

白  
華  
前  
稿

白華前稿卷第八

南漚 吳省欽 沖之

碑記二

宋黎州通判攝州事何公亨堂碑記

清溪縣於古爲黎州其治北大相嶺亦曰相公嶺嶺高  
五十里攢厓障天灌木塞隧愈上愈陡劣僅容趾蓋漢  
王尊叱馭處所謂邛嶲九折坂者也將上坂有小關山  
大關山予往返者再嘗以黎之守先相嶺相嶺之守先  
兩關山以關係山必有人設關於此其後寢廢而志地  
家不詳祇以謂諸葛丞相過此故名相嶺嶺最高處今

有諸葛祠。至此馭之忠鮮有問焉者。關之所由來安得而考。比讀宋史德陽何公充通判黎州攝州事。預計備禦。以宋能之之命。於邛崃創大小關倉。及砦屋百餘間。親督程役。闢破從容就死。與其難者一門四十餘人。然後知公固於此置關。閱歲滋久。倉砦並壞。而兩關山之名。因仍少舛也。唐清溪關在大渡河之南。大渡河不守。則黎雅邛成都皆爲吐蕃所擾。宋以大渡河爲極邊。黎州之守益重。元人山北而南。由夷而險。顧其時王立劉整梅應春。皆萬壽田世顯之徒。先後以重慶瀘嘉定成都降。甚且爲之效命。黎州彈丸耳。卽死守於事奚濟。而

公百折不回，刑于妻子。古志士仁人之烈，莫或過焉。乃遺迹泯絕，惟一統志志公於寧遠府，而不思大渡以南，本非趙宋所有。公之死事，在此不在彼。第使於黎求邛，嶮於邛，嶮求大小關倉而斷，壑窮巖炳如燬，日千百世後，當哀其志而廟祀之。子使劉五年，凡墜文軼事，間有舉證，恨未獲祠公而記之碑。去年秋奉命使楚會

四川藩使宛平查公，禮敘語於塗，索予文而力任其事。俾清溪之人，知相嶺之爲邛坂，有王尊之事，爲之徵，卽尊之所爲忠，以公視之。奚啻山海之於流壤，而同死之夫人陳子士麟、孫駒行、從子仲桂，暨獲免之子士龍、胥

設主祔於祠有舉而莫之廢焉爰綜錄其事爲迎神送神之歌曰

峽之坂兮崕峴靈颯然兮黎之風世食祿兮寧汝降騰不汝屈兮不可以背趙宗咄好漢兮膏汝鋒孺人穉子兮歸乃同 鼎卻肉兮茲封豕鄉絕飲兮茲酌醴紛也舞兮吾民孫子庶一家兮歆止黎亦有田兮黎亦有里靈告祖兮百洽禮

重立石榴花塔碑記

出漢陽西門一里餘爲演武場場之東民鼎鱗萃有地方廣四五丈碑塔屹然于同年王君嵩高令此所植也

宋五行志紹興間漢陽軍有獄誣孝婦殺姑婦不能自  
明屬行刑者插髻上榴花於石隙曰生則可以驗吾冤  
行刑者如其言後秀茂成陰歲有花實今府志以謂姑  
食婦所殺雞而死姑女訴於官伏婦罪後人立塔花側  
以表之歲久塔廢明主事黃一道識諸石今石亦不存  
王君迹之民居之圃出私錢爲償而其蹟始得復見予  
嘗念天下之理常者可以推其變則不可方物古之精  
誠感召其大者揮戈退日刺刀涌泉其小者一草一木  
臭味不差若田氏之枯荆再榮寇公之插竹成筍較著  
耳目矣而婦人女子志行卓絕與夫悲憤苑結之氣卽

宋史所載臨海王氏之血書漬石間天陰雨輒墳起如  
始書時永新譚氏婦血漬禮殿間八軼作婦人嬰兒狀  
磨以石不滅鍛以熾炭益顯史於婦固以孝稱而不以  
竝列女僅志之草木之祥蓋旣死猶不幸焉然漢東海  
孝婦所爲孝亦失傳其傳賴以于公一語于公知其冤  
天之枯旱鑒其冤而當時斷是獄者冤與是婦同益以  
歎明慎用刑者之難而理之不爽其氣有以取之所由  
不期敬不期哀而人無不哀敬之也碑之立在丁酉八  
月記作於辛丑二月

樂山縣火神廟碑記

樂山故直隸嘉定州境雍正十三年州升爲府領縣七卽州境置縣爲樂山其城枕山帶江舟楫所總萃碑版雜錯竹瓦板屋層構若雲衢巷偏不能以丈今年二月癸巳火五月壬子復火火百數十家其火一二年或數家者自二月至五月又十餘告權太守湯君大寧卹禳不懈擇高北門內建火神祠三楹祠成而患始寢以予之按試而稔其役也屬爲文記諸碑曰火者六府五行之一其利害與水竝權周遂人所掌溝瀆皆達川而行火之政僅職之司燿氏非治水詳而畧於火也古都邑廛肆之間街陌旣廣且塋茨完繕撲滅易以施不至如



川潦之易以患溺春秋書火一書災十一鄭子產徙龜徙祔敝府人庫人司宮登城列道衛之而未詳其所以救之至除於國北祈於四鄺說者以北方大陰鄺積土陰氣所聚又其時元冥回祿備舉釀祀故禪竈謂將復火而卒不驗焉語曰不得已杭城火予讀西河毛氏治火議輒念杭之人與官於杭者當率其法而用之抑成都火敝數矣凡水龍火鉤火搭諸器用不具亦不能予使署及火命撤屋三數椽乃止頃六月庚寅暴雨江漲嘉定城不沒者一版水汨汨自門竇入居民避水升睥睨君笠屐邏扞揭郡勝投之江比曙而水退爲言郡城

形勢象炎上不患水而患火火神見左傳註其祀載在  
令典其地近城坎隅合古除北祈鄘之禮後之守斯土  
者有舉莫廢用以戢和恬養於無窮則君爲民請命之  
意書之具可風云

枝江縣福山三星祠記

世之人歆於福祿壽三者謂皆有星主之繪之爲瑞圖  
書之爲吉語而祿壽復統於福矯世抗俗之士起而非  
之謂星之名多出於緯書惟司祿爲文昌第六星當孟  
冬獻穀數時秩祀毋廢若角亢之爲壽星特以數所自  
起居列宿之長福星之名其黷尤甚然星之象見於天

精氣既聚氣類斯感亦遂各有所主以佑民而垂象故  
秋分所享之南極老人星不必卽爾雅之壽星宋太平  
興國中司天言太一十神皆天之貴神而首列五福五  
福所臨無兵疫熙寧初司天言當癸丑甲寅爲災厄之  
害然五福太一移入中宮可以消異爲祥故十神中惟  
五福冠通天冠餘皆冠道冠元大德中建五福太一神  
壇至順中每歲四祭五福太一星第漢武之太一以五  
帝配祀則直以昊天上帝當之唐之太一特九宮九神  
之一宋以太一加五福之名是九宮皆得稱太一而又  
增爲十神較漢武之太一尊卑固以絕殊其稱五福太

一似祿與壽舉已統之故精氣斯在爲民祈請抑亦亡  
於禮者之禮焉枝江覆船山枕城西門可以登賦秦君  
武域令此三年更之曰福山作亭曰福亭作祠曰福星  
亦曰三星誠以覆讀如福欲使邑之民消異爲祥而更  
恐愚無知者之勞民傷財募建寺觀故祠之星之王日  
用焉而不知其牖民甚殷而其典可數若是也覆舟之  
名或以形或以事夔萬有灘江寧有山丹徒有覆船山  
若南溪之覆溪改名福溪常熟覆釜山梁乾化中改福  
山建昌府新城之覆船山唐咸通中改福船宋大中祥  
符中賜名福山君願以福其民而邀佑於星之神故亟

更其名卽其事多與古合予故徵諸古垂諸後且以塞矯世抗俗者之望云

重建錦江書院講堂碑記

古術序黨庠家塾之制左右相向俱在堂以外後世太學之堂曰彝倫或曰明倫郡縣則皆立明倫堂堂卽學也書院與郡縣學不同始於唐盛於宋其堂曰講堂則自漢文翁始華陽國志翁立文學精舍講堂作石室盧照鄰有文翁講堂詩是已然亦稱學堂漢書翁修起學官顏師古以謂學之官舍今日學堂顏有意記翁作講堂左右開溫故時習二堂復作禮殿蓋古以周公爲先

聖孔子爲先師以禮殿祀周公孔子圖七十二子象以精舍居文學祭酒典學從事司儀主事以二堂居左右生復爲堂授受其業自弟子言之曰學自師言之曰講今成都錦江書院傳是石室舊址稍東南十餘步卽文廟廟故禮殿其南直府學宋祁稱石室置翁象在禮殿右廡竊疑石闕石柱在堂前室在堂後翁又不宜自置象或祁所見卽高朕增立者而非翁所立室雖殿堂室相距不遠而以今書院爲舊講堂則尤信乾隆癸巳予視學來蜀謁廟畢卽登書院之堂巡試旣旋秋潦致圯因檄月奉新之權臬使顧公聞而欣之藩使錢公亟請

於權制府文公廩官錢二百四十緡俾郫縣教諭張昶  
飭材自灌口集諸生正告曰蜀學盛自翁翁好學通春  
秋遣張叔司馬相如等詣京師受業博士還教鄉里宋  
歐陽修所見翁弟子石柱題名尚一百有八人相如不  
以經術著而凡將篇小學宗之若張叔卽張寬世有張  
七車之目作春秋章句十五萬言聖之心在經經之傳  
在受在授以孝景之不任儒又郡國向未立學翁振厲  
絕業所治向風固宜爲循吏首特班固去翁遠足跡未  
至蜀如司馬遷之於吳公未及詳其名師古復不注至  
張崇文歷代小志始言翁名黨字仲翁翁之後惟朕最

賢族或作朕或作勝紀述遼曠名有顯晦異同迹有興廢惟其德長以不毀耳我國家涵濡教澤儒風丕振省會大書院多以仕而已者主之屆六年大吏上其名有異者予優敘郡縣學之士升選萃處日計廩月計試樞衣隅坐先經義而後時文先行誼而後進取以聽講副主講之心雖蜀學再盛不難矣予惟書院尊講堂而斯堂故翁之址爰證據今古俾審所自來知諸大吏用心若此也堂以康熙四十三年建雍正元年修重建於乾隆三十九年九月時金酋稽誅儲胥星火落成之次將獻囚釋奠焉文公綬惺亭鑲白旗滿洲傅察氏錢公



望貢金常熟人顧公光旭華陽金匱人王講則前廣東  
肇羅道丹稜彭公端淑也

按董道以高朕作朕本范鎮東齋記事蘇軾詩石室  
祠高朕亦一證云傅察氏文公自稱傅查氏亦可補  
蕭山毛氏制科雜錄察卽查也之音義

潼川草堂書院碑記

少陵以肅宗乾元二年己亥十二月自隴入蜀代宗大  
歷三年戊申正月去夔自壬寅秋至甲辰春則避徐知  
道之亂僑寓梓州也梓之牛頭山有前朝所建草堂  
今不可考而城東草堂寺傳是少陵故居乾隆乙亥歸

安費雲軒元龍守是邦割其半爲文峯書院庭宇灑落  
花木翦如征子兩至其地蓋稍蕪廢矣仁和沈澹園清  
任爲守之次年金酋告俘秉麾返治於長閣築室祠少  
陵樹碑考其出處復改題茲院曰草堂繚粉垣甃石徑  
亞曲欄絃肄之聲與寺咀互答士氣殆蒸蒸上焉成都  
之草堂陸游謂一在浣花一在萬里橋實卽碧雞坊外  
萬里橋南百花潭北之一區而已非有二也少陵之酬  
高常侍曰古寺僧牢落空房客寓居是初到成都於草  
堂寺是寓而李善文選注曰汝南周顒昔經在蜀以蜀  
草堂寺林壑可懷乃於鍾山雷次宗學館立寺名草堂

斯唐藝文志所志陶宏景蕭回理皆有草堂法師傳一卷者矣成都草堂寺自梁有之少陵居與寺近故其居亦曰草堂凡見之於詩者如草閣西閣之屬舉不得而冒稱今草堂寺之西少陵書院爲草堂故址韋莊嘗繼少陵居之至書院之名開元初領以學士一人典守祕籍宋則以之名諸儒講學之所卽奉祠胥在是焉少陵在潼而堂堂而寺寺而書院視奉祠講學之義未遠彼鍾山之學館且與草堂寺並傳脫謂少陵無二草堂茲之院當仍文峯之舊切亦篤於時閭於古而名跡不以之日晦耶且文峯山在郡治南百里距院甚遠若以隔

江之浮圖轟然相直謂象之有麗於文明於義亦無所  
取登斯堂者尚其本忠愛之義親風雅之旨祇磨奮起  
以冀我學之大成則少陵之所覓已多而亦賢太守廣  
厲人材之志也夫

什邡縣方亭書院新建 聖像樓碑

什邡城東祠文昌其殿後有 至聖孔子象銅二鐵二  
不知其所自始邑之人議爲樓殿前奉象而懼其非典  
役遽寢乾隆乙未春知縣事仁懷任君思正以方亭書  
院後有隙地可樓飭工移向所購梁柱而檐廬瓦甃垣  
壁之屬捐奉爲之倡其旁列四廂居學者而祀 聖像

樓中從祀者爲二程子程子生漢州邑析漢境故也嘗  
考舜禹湯文皆祀學學非卽廟故曰祀舜於虞庠祀禹  
於夏學祀湯於殷學祀文王於東膠又曰凡始立學者  
釋奠於先聖先師又曰凡學春釋奠於先師秋冬亦如  
之釋者以先聖若周公孔子先師若禮有高堂生樂有  
制氏詩有毛公書有伏生且孔子先嘗爲先師而釋奠  
之禮大抵不於廟於學廟以孝享學以祭夫有道德而  
能教人之仁聖賢人漢立孔子廟於太學闕里明帝初  
以周公孔子並祀郡學魏文帝修魯郡學廣爲室屋居  
學者學與廟始合爲一唐宋以來郡州縣莫不有學卽

莫不有廟。廟之祭古必有尸。而釋奠於學無尸。文翁圖古聖賢孔子及七十二賢象於周公禮殿。殿蓋卽廟。宋祥符中追謚孔子文宣王。桓圭一冕九旒。服九章。崇寧中冕用十二旒。其時廟中以象代尸。議者不以謂過。至明嘉靖九年撤塑象。易木主。道德之表。未由仰測。惟其近乎有合無尸之義。故守之至今。今范金之制雖不見於古。而有舉莫廢。文昌乃司祿星。不可以並祀。幸書院猶古鄉學。於以奉象。其中釋采奠幣四時備舉。非如廟祀之必以二丁。故亦不必以木主。學者羹牆夢寐。由六經以求聖人之心。而毋狃於俗學。毋域於小成。邑雖小。

卽鄒魯儒亦可企矣然則君之心殆文翁圖象禮殿之心其祀之不以廟而以書院蓋猶之學也竊學禮而記其事如右

枝江縣丹陽書院碑文

選一郡邑之秀肄誦於一區設之師曰山長月有課日有廩此古黨庠州序之遺凡郡邑之大夫舉而措之裕如也然簿書期會之故或不暇以爲爲矣而力不繼則不如其不爲而又無與於三載之考陟故有書院之郡縣什不過三四焉枝江東漢侯國後爲縣以江沱交分東入大江爲之名曲沃秦君武城作宰是邦政通人和

建丹陽書院一區齋曰種學曰績文曰學古訓曰通世  
務軒曰麗澤堂曰明道費不下千餘緡皆以身倡率而  
自爲文碑其堂其大旨言道之明不外父子兄弟朋友  
而上之達於君臣復屬予記其槩曰史記成王封熊繹  
於楚蠻旂以子男之田姓芈氏居丹陽自是以還以丹  
陽爲在秭歸東南者章懷也以爲秭歸城北對丹陽南  
枕大江楚始封所都者酈善長也以爲在南郡枝江縣  
者徐廣也以爲南郡枝江縣故城者張守節也以爲枝  
江侯國本羅國有丹陽聚秦破屈句取丹陽卽此者劉  
昭也以爲楚都丹陽爲此秭歸後徙枝江亦曰丹陽諸



侯遷都常仍舊名故有兩丹陽者杜佑也而班固漢志  
言丹陽郡丹陽縣楚熊繹所封十八世文王徙郢以揚  
州之丹陽爲荊州之丹陽其誤特甚蓋楚武前有兩丹  
陽猶楚武後有三郢皆以所都之處仍襲舊名而然特  
其自秭歸遷枝江章懷已謂其不知在何時至丹水有  
七其見於漢志及水經者出上雒縣冢領山商州志秦嶺在州南  
八十里有淵曰息邪澗丹水所出東南流歷倉野菟和山出武關秦南關在  
商州東百八十里又東南淅水注之水出盧氏縣大蒿山又逕三戶城逕  
丹水縣故城西南又南逕內鄉縣故城東北城在今南陽縣西南  
百里有水漢又東歷於山之北皆商於地也其合均水入  
淅縣地

漢處謂之浙口亦曰洑口是水爲秦楚間一大川呂覽  
堯有丹水之戰以服南蠻殆指是水水北曰陽故楚始  
都名丹陽劉昭以丹陽聚爲破屈句處豈竝屈原傳所  
云破楚師於丹浙虜屈句盡取楚漢中地者而忘之耶  
故因茲院之名丹陽而抉其異同若夫種學績文學古  
訓通世務之方集麗澤之益以明道君之言固已深切  
矣予又何言之有

白華前稿卷第玖

南匯 吳省欽 沖之

碑記三

重建靈應寺碑記

成都府北門內少南而西一里餘有寺曰靈應殿三堂  
二廡三廂六計土木石之工萬錢之緡七千五百有奇  
而吾郡注選府經歷婁縣陸鯤所施七之所募不啻二  
之其旁爲吾郡會邸鯤出已錢所爲也寺在宋爲昭應  
祠重建於明嘉靖四十三年崇禎十年左右政張法善  
重修改應若音燬自逆獻乾隆三十一年僧犁土得石

佛長尺餘治茆菴二楹越五年

王師討兩金川分南西中三路運饌官運旣役民爲之  
別募商領官錢運米至軍中負戴烏合等磴重阻風雪  
徹夏一蹉跌無復生理受雇者率共逃散商運又各有  
指運之地不達卽不得私售鯤應募先運四千石蕩析  
過半三十八年六月木果木之變所運又盡失忽夢神  
告以籲濟顛師可解遂入寺禮禱起工於三十九年之  
冬藏工於四十一年八月自索諾木就擒以前官私事  
無弗了也釋迦氏之教於中土有南宗北宗於外蕃有  
黃教紅教黃教傳自前藏之宗喀巴當

太宗文皇帝崇德七年達賴喇嘛班禪額爾德尼知東

土有聖人萬里通款數年始達闡法宏遠紅教傳自後

藏之多爾濟以方術名彼道中已爲外道至布魯思古

以達爾黨爲道場以色丹巴爲初祖以札達克誦咒之術奔

布爾殺戮之術爲梵行其毒惱尤甚促浸舊名大贊拉舊名金川

川之酋衆舉聽命於喇嘛華言番僧視唐回鶻可汗與茹蕓

之摩尼共國者殆有過焉彼其紅衣紅帽固已異於黃

教之宗乘矣而所爲且紅教所不爲貪忿瞋殺以速其

敗亡焚其旅而殲其族轉經之樓演揲之壁喇嘛寺東西壁皆作

不肖之像謂凡爲我燹毀而駐兵守其中者豈可勝道

之歡喜佛

哉今臨濟之宗遍中土其上者參禪演褐次者頂禮膜拜最下託鉢於人人不必盡奉之鯤崎嶇戎馬計窘勢迫若啓之而若祐之此以見討罪自天天人順助雖半通一命之末昭應不遺而波旬之道達思拉紅教所持經名之經曾不足以自保也予於內外典末之間嘗一再過寺門紺碧照耀祈禱磨至鯤固予鄉人稔舉夫裨販之艱靈佑之廣國家懷柔震疊之盛勒碑寺中播示來許是則予之不能已於言者夫

四川學院題名碑記

古之時養與教合自黨正州長鄉大夫鄉師皆掌其所

治而服屬於大司徒。大司徒以土會之法，辨五土之物生，因其常而施，十有二教。其時之學者耕且養，以游六藝之中。學不必有專士，教不必有專官。風俗成而人材出，胥是道也。迨其後，士與民異，而國家不得不設之官。漢京師置五經博士，郡國置文學掾。至宋崇寧初，每路設提舉學士一人，元各省設儒學提舉二人。明宣德間，勅遣各省提學官以重其任。循及我朝，凡提督學政之官，於直隸江南浙江曰學院，以翰林院侍讀侍講等官充之。餘曰學道，並繫以按察司副使僉事之名。由六部郎及知府之有資望者推用。其後遇缺則請特簡，蜀

之稱學院也。自雍正五年宋少卿始也。其有題名碑也。自康熙三十三年周僉事始也。予觀蜀之人之始率來自四方。其野沃衍。其耕穫貪天之功。其執卷集試之徒。無百金之產者。蓋寡。若是乎教之易以施。而風俗之易以成人材之易以出矣。乃其所以爲學者。於古無以至焉。於今之人又無以勝焉。昔班氏儒林傳。無一蜀人。而王褒司馬相如揚雄之文學。何武莊遵李業譙元王皓王嘉費貽任永馮信之志行。非他郡國所可抗美者。文翁之教爲之也。翁之官不專於教。而教之澤若此。其遠則夫其士足以養。其官專以教。而無澤以貽之。將何以



副

聖天子作育之盛心而佐人文化成之治於萬一也予  
謫下承乏且五年深冀夫蜀學之進於古而舉其職者  
之會有其人爰記其姓名里貫竝到官之年壽諸碑石

垂示無斁云爾

順治年江都陳卓臨汾席教事康熙年  
新鄭張光祖丹陽孫允恭掖縣張含輝

蠡縣張萃代州馮雲驤桐城江臯臨潼周燦金壇王家  
棟秀水曾王孫嘉善陸榮登南樂萬懋武強劉謙廬江

宋衡太倉王奕清海康陳璜齊河王俊江都王誥華亭  
廖廣謨江都方觀雍正年溧陽任蘭枝安邑宋在詩天

津周人驥萊陽隋人鵬乾隆年崇仁陳象樞華亭張仕  
遇睢州蔣蔚桐鄉朱荃虞城葛峻起鎮洋王歲溧陽史

貽謨安州陳荃鑲紅旗滿洲博卿額爾古納羅  
典閩縣孟超然桐鄉馮應榴南漣吳省欽

四川學院轅門移碑記

四川提督學政官廨故巡按御史治也其轅門從廣畝  
三之一列鹿角五十鼓亭二去思碑十二碑一侵地可  
二弓自康熙間者四乾隆間者八石理旣麓駁或陷且  
仆每試士提調官學官架兩閣避風雨俾諸吏呼名進  
涌沓於碑間者千數百人人苦之而不敢請也乃命工  
移徙他所而爲文記之曰碑之制所以麗牲秦始刻石  
紀功德漢吏民於其長官多率錢爲之此固長官之賢  
與古風俗之厚而好古之君子樂得以考史事也唐書  
言狄梁公所治人輒爲立碑然不著於歐陽氏洪氏趙  
氏之錄白樂天詩曰但見山申石立作道旁碑又曰不

廟作官家道旁德政碑不鐫實錄鐫虛辭碑固莫濫於唐而翻信陵何易于之徒反以樂天孫可之詩與文而傳初不係碑之有無矣今觀康熙間碑辭不必其果虛而言之不文不足以傳遠八碑者大都祇具官閥其字里或缺焉此之弗傳而碑所稱教思教澤文鑑等一二言顧足傳耶思之必以碑之碑於轅碑於路等耳豈思之者以路旁無有千數百人而必示此集試之千數百人以謂傳耶碑矣必其賢矣賢而不念此千數百人之涌沓於陌且仆之碑之旁而以移徙爲憾耶學政三年一易耳易一官立一碑少亦什七八更數千百年此縱

橫不半畝之輦門尚有餘地耶以去思之碑後之人顧移而去之則立者之不得其地而風俗之厚與其賢固在也爰仿漢人書名必具字之例且系其貫以期傳後而有考焉

湖北學院堂壁題名記

國家之設官教與養而以養之政雖一渠堰利且數十百世吏之賢者優爲之至提學之所以爲教惟是評隲高下去取乎應試者之交而其他不暇以爲卽其所以爲評隲亦不能徧及三年受代而應試者之祈嚮固已異焉凡向之高下去取之法什不奉五故學之政不易

言史北斗之語汪氏琬曰子之文章必傳於後顧前時  
李夢陽何景明李攀龍俱用學使者著稱子當爲是官  
否夫三人者之著稱固不以學使而以文章卽以吾所  
聞提學湖廣者言如前明吾郡王氏圻董氏其昌其人  
皆不必以學使著淺之者不求之於人師經師而第求  
之文章井不求之文章而求之學使之官以是爲名名  
亦僅矣湖廣學道駐武昌而湖南各府縣隸之雍正四  
年晉學道爲學院置湖南學政而湖北遂爲專使於時  
廣東之分肇高陝西之分甘肅皆以江南之分安徽者  
例之其後肇高甘肅復併舊制而湖南南北分置至今蓋

由我

世宗憲皇帝軫念湖南士子越洞庭而鄉試於武昌各置以闈因各提其學至制義大家如熊氏伯龍劉氏子壯皆產湖北宗風不遠於文易有稟承矧

天子久道化成譽髦無斁所以勵士風正文體訓示學臣者日星丕著矣比因縣令改教職之例疑於重吏而輕學校御製改教詩篇示臺吏以勉求德化庠序之教孰敢不先學政一官循其名百不能旣其實耳院署題名碑今少司空胡公所建以僻在艮隅無有過焉者予旣請於朝改湖廣學政印文曰湖北學政因詳

舉里賈官限書之堂壁使舉證不遺備湖北之掌故云

雍正年吳江吳家驥晉綺金壇干振鶴泉海鹽管式龍

上海凌如煥琢成睢州蔣蔚承年乾隆年正黃旗

滿洲開泰兆新錢塘張映辰星指錢塘吳嗣爵樹屏長

洲朱邦綬執才安邑葛德潤連齊溧陽陳大倫紫山昌

平陳浩紫欄大興毛永燮理齊撫寧溫如玉升亭海鹽

朱丕烈緒叔汝陽胡紹南祇開大庾戴第元正宇任邱

邊繼祖佩文仁和胡高望帝呂欸

縣洪朴伯初南匯吳省欽紳之

### 湖北會城移建育嬰堂碑記

三代之禮於養老特詳而地官司徒以慈幼爲保息六

之首若孤子與耆老皆得受饗酒正共酒彙人共食遺

人共門關之委積第仲春存諸孤以其少而無父孟冬

恤孤寡以其爲死事之妻子其他慈幼之政先王未有

聞者始以年豐食足人無棄子男女子初生之三月擇日剪髮咳而名之司民氏辨異其男女自生齒以上具書於版惟少而無父與其父死事者始饗之恤之是所謂孤子固非卽嬰兒之失養者人習前曰嬰兒始生抱習前乳養之故亦曰嬰嬰而不嬰譬之浮泡露槿旦夕輒盡民行之不敦抑王政之或闕矣今天下府州縣多有育嬰堂官收官養歲計甚夥武昌府爲湖北會城雍正辛亥建堂於崇文三鋪閱九年移之江夏縣之東自門垣廳事庖湍外有屋七間栖乳婦二人乳嬰之初抱至者乳旣卽乳之受雇之婦之家每朔次旦婦抱嬰至



堂聽驗移甲代乙詭辨滋起計歲收三四百餘嬰而告  
殤者大半乾隆辛丑冬制府舒公撫軍鄭公遹方伯梁  
公暨觀察張公之議以謂嬰不離堂爲嬰計當先爲堂  
計堂之入歲千七百餘金皆向所置租息張公旣嘗資  
之金梁公遂倡移建之費羣力共將不數月而得百餘  
鎰度廢機局之爲武昌府同知官舍者俾駐他所新而  
擴之比屋百餘間受一婦或二婦各給其食以時啓  
閉若坊若柵若堂若東西廂司事之長給事之夫稽防  
覈驗責自丞倅其抱哺於家者差其食名實旣稱少有  
所長舉大學之言使衆祭義之言治天下者放而準之

有是心卽有是政有是政卽有是效理大物博民不夭  
札彼三代後慈幼之政不過偶與粟帛之賜是舉樂成  
有可爲他行省取法者特養之有漸而教之無術視學  
者當用媿耳鄭公旣遷去代之者爲姚公公於梁公爲  
鄉人而梁公亦 內召將去故美堂之所由成而紀  
其大凡以諭於舒公其率錢者著之碑之陰

新繁通洩橋碑記

新繁之水之大者一曰清白江卽沱江在繁爲繁江在  
郫爲郫江一曰錦水河卽湔水經流郫氏謂郫江左對  
繁田漢文翁穿湔洩以灌溉繁田一千七百頃者也禹

導江東別爲沱沱別出爲湔水其名著自漢志今自灌  
郫下崇寧名渡船河經彭縣合玉卬河分一支爲錦水  
河河自繁之西境稍南而東至新都又分爲二以合於  
金堂峽至清白江相傳以趙清獻渡此得名而錦水河  
非卽錦江且首受沱與湔之流名以河亦失實冬春病  
涉盛漲時屢有覆溺之告自乾隆二年花藥寺僧傳璽  
募建錦江橋措木架板計丈一十有五五年毀於水六  
年復修廣其丈又五十九年復毀里人陳偉率錢雇舟  
爲義渡二十三年偉復倡修爲橋其表視傳璽所創殆  
倍之毀於三十八年之五月時軍興旁午饋役不暇比

四十一年春金西平知縣事鄧川高君上桂揆度利病  
輟金是倡俾傳墮之徒慧涵者募之邑與鄰邑之人自  
十月至明年三月橋成其且三十有八丈廣丈有三尺  
覆瓦爲屋橋下柱五十有九皆巨木可合抱率私錢四  
千二百七十餘緡舉事勸衆人和政平君以予稔其興  
廢之由乞爲文紀其事而改名曰通泐橋蓋故繁城在  
縣東北治改而地未之改李冰穿二江成都之中宋史  
謂卽郫江流江是別出之沱至冰而利始溥翁則收溥  
水之利於繁事見華陽國志郫氏徵之而曰湍泐泐者  
汙也穿泐以漑繁猶作册以沃蜀乃郫氏言湍水卽呂

忱一云半浣水也。湔有浣濯之義。故許氏云手澣衣。呂氏云半浣衣。酈氏所見呂氏字林。衣譌爲水。故悞會之以爲卽湔水之別名云爾。湔之名已湣而澤。故未沫。民縱病涉。當不敵其樂利。百世之思惟是利者。已忘病者在。疾爲政者。相民之利。病緩急而次第布之。不可謂不賢。彼慧濶者。師其師之遺意。以利濟於人。在吾儒不無取也。而翁之德遠矣。

德安試院新植竹籬記

校試之患在求才之道不足。而防姦之法有餘。露體而搜索。封彌以糊其口。棘有以圍籬。有以隔廳。有以鑊於

法旣以密矣而傳義換卷易號卷子出外謄錄滅裂諸  
弊宋末卽已有之第鄉會試之弊責諸監臨提調官彼  
主文之官不過潔其身而止學使按部巡試三年中歲  
科兩舉其典較殺其耳目較近有弊習而不以防之則  
才不才相混而無所於求乃其所以爲防要必自棚舍  
始提督湖北學政駐武昌而按棚有九歲試始舉例自  
德安府府城南行院一區堂寢庖溫靡弗完繕惟東西  
席舍各後牆逼臨官道邏偵一疎出入皆覺去年春太  
守吾郡趙君相請支府縣官俸治以繚垣需金二千餘  
議故未決會予歲試至度兩囑地自南而北編籬捷木

可斷人迹期以科試集事今太守廬陵蕭君良玉權安  
陸令房山張君璿皆以謂便出私錢五萬餘飭材庀工  
墉如櫛如觀瞻頓收郡之人固以知防姦者若是其嚴  
列郡之風聲益以知求才者必不以苟由是濯磨爭奮  
於學問之路而日戢其奇袤一籬雖小殆未可漫視焉  
特竹之壽不數稔鞠華之是采羝羊之是觸婦孺所利  
析而爲薪誠有以禁止之有基無壞三年載修縱不若  
甄埴之材一勞可冀永逸而成之也不難備之也有具  
鹿眼離離姦影莫匿後之來者事半功倍必與有斯志  
矣夫黃岡之竹樓馬退山之茅亭祇以不勞不費取便

游觀而從而記之。況吾政在是而闕焉。無所聞於後也。勒諸石。以俟仍之者之引据云。

靈應寺惜字庫碑記

古文字之體至簡。而取用至繁。漆以爲墨。刀削以爲筆。小方大冊。以爲紙。汲冢魯壁之所出。數千百年有存者。後世易以楮。翰利用於官私。成之易而棄之遂不甚惜。至鏤版印。賣得書者。不藉於鈔。幸而插架。不幸而覆瓿。而糊箔。試語以先王之道。古聖人之靈。而聞者若無所與焉。以予所見官府公廨間。間置焚字之庫。若鑑而老子浮屠氏之宮。殘巾破衲。攜篋當檢拾紙字。乞一溢之。



米蓋毀棄文字之禍與夫福田利益人信而奉之特所  
收者不能以博而其計又不足以長久苟計其長久而  
託之於老子浮屠氏之宮儒者審有取爾矣成都重建  
之靈應寺予往嘗記其碑寺之旁甃甃爲庫聚紙字其  
中焚之其法於四城月雇二人因地撿拾每朔望納紙  
字一石於月之三六九日日買紙字一石計月焚紙字  
十三石盛灰於簍沈簍於江於寺僧責其成於會首經  
其費歲費錢二百八十八緡而皆母其息於吾松陸鯤  
所捨之千二百緡日引月長齋鉢在是凡疾苦失業之  
徒得一斤紙字易十錢亦何憚而不爲而福田利益毀

棄文字之禍來此寺者且惕然有省於其中吾知古聖  
人之靈先王之道由末見本若啓若翊彼覆瓿糊箔之  
無虞抑其粗迹焉已寺之址志謂故昭應寺以王褒祀  
碧雞金馬神得名然碧雞坊爲南門之第四坊則昭應  
坊亦當在南予前記姑沿舊志竝識之以俟審定

鳳臺呂氏家廟碑記

今刑部郎中呂君元亮與予同舉進士同館選洎君改  
曹司來蜀督北路軍饗備兵川北道他軍饗不繼咎及  
君復起君守龍安金川平君自以從軍久未習外吏事  
請復改曹司返成都覈銷軍需事會予歲校捐賑乞記

其家廟之碑記曰呂氏世處汾州明初諱發祥者始遷  
澤州卽今鳳臺縣治再傳至封朝議大夫成章成章生  
山東僉事贈光祿寺卿黃鍾候選州同知應鍾應鍾生  
大英大英生維純維純生容是爲君父也古者諸侯有  
國卿大夫有家有家而其子孫或以官若字若封邑爲  
氏故女子稱姓男子稱氏氏之大宗必立自始有爵與  
始遷之正嫡子其餘同高祖者祇推四世嫡長一人爲  
繼高祖之小宗大宗無子立兄弟子次及族子爲後小  
宗則否蓋古無後之小宗皆從祖祔食宗必有氏氏必  
有家家必有廟先王尊祖敬宗而立廟之禮不下庶人

以其非家非宗故也。迨宗法廢壞，卿大夫不盡立廟，士庶少有貲者，反僭爲宗祠，或家祠同堂合饗，不復審其非禮。第以蘇氏父子異居兄弟相訟之說校之，彼亡乎禮之爲禮，亦使民忠厚而易治焉。宜中原西北之民俗有東南所未逮也。呂之望於宋東萊於明新安君之始遷祖於禮得立宗，光祿卿與君皆起家進士。又君祖君父積學累行爲明經爲高才生爲鄉大師，節縮脩脯爲祠屋於舍東，謹於禮而不以云廟。君終鮮餘祿，方思歸教其鄉，以筆舌所贏拓一二十楹，率族子之才者讀書其中，以成其材，以竟兩世未竟之緒。蓋君之家至君再

盛廟亦待君而成彼外吏得有家者多不復計此計之  
而力不足則若以外吏之祿無可餘而京朝官祿可餘  
不知君之爲此將取辦於筆舌之間而不繫乎官惟所  
爲宗廟爲先居室爲後卽出處不可期而有其志不患  
不遂其事也故豫爲文識之而俟異日之銘廟器焉

白華前稿卷第十

南漚

記

勅諭忠義漢前將軍漢壽亭侯華陽墓記

鬼神之情狀其精氣聚於觚而墓直以形體故古不墓  
祭墓之以衣冠始於司馬遷封禪之書又漢時用叔孫  
通議衣冠藏原廟者月出一遊若以是聚精氣其不得  
已而號復以葬或所在思慕以日用佩御之物多爲封  
樹据今考古垂信來葉采風者蓋有責焉今華陽南門  
外萬里橋之左傳有張桓侯墓考楊慎四川總志無之

惟言前將軍關侯墓近惠陵先主以衣冠招魂葬而康  
熙丁亥楊甲仁碑言巡撫能仁贖於里戶而復之蓋亦  
幾湮蝕矣按帝以建安十六年留鎮荊州二十四年十  
二月遇害鍾繇尚書宣示帖稱權十月表捷係初據江  
陵虜士衆妻子時事帝既遇害權以首送曹操以諸侯  
禮葬其屍見三國志注所引吳歷先主恩若兄弟招魂  
號復皆情事所有至桓侯遇害在章武元年六月閏中  
祠與墓曾鞏嘗記其碑而地志失載曾記若帝墓則趙  
忭成都古今集記序曰荷聖寺有榜曰關公墓後得孟  
蜀僧仁顯華陽記知廟在荷聖墓在草場蓋自世代變

移地名譌舛如建安五年曹操表封漢壽亭侯屬武陵  
郡荊州刺史所治至葭萌之改漢壽乃建安十九年先  
主取蜀後事非帝所領封足跡亦未一至蜀要惟是志  
在春秋冀復王業不幸爲貉子所禍歷世至今威靈顯  
燦官立廟則曰武廟與文廟埒憶戊子四月省欽撰進  
加封冊文循故事云其追封爲 忠義神武靈祐大帝  
上親御丹臺改其字作謹此固

大聖人齋莊中正之盛心而非光日月塞天地之志氣  
則亦無以致此帝史諡壯繆今

勅諡曰忠義廟祀遍天下神亦如水在地中茲墓之傳



雖不及當陽之墓之著而自宋及今時晦時顯世之續  
靈蹟錄文獻集者夫有所徵信也嗚呼兩京四百年豐  
沛南陽從龍者里墓渺考先王艱難末造鼎足僅分帝  
墓至今傍惠陵東稍南而諸葛武侯龐靖侯趙順平侯  
姜襄平侯諸墓遠近布列樵蘇禁采不期敬而人敬之  
非直漢澤之深且長抑春秋之志也而貌廟者能無昭  
事哉

安岳縣賈墓瘦詩亭記

當塗青山之北有李白墓南卽賈島墓鄭谷詩所云幽  
魂應自慰李白墓相連者也賈爲范陽人李東陽弔之

有百里桑乾繞帝京葬來詩骨青山瘦之句是房山賈  
島峪亦有墓焉乃其卒於普州葬於城南安泉山其載  
蘇絳所爲墓志李洞則曰旅葬新墳小釋宏秀則曰死  
葬蜀山根賈墓之在安岳無疑也墓域今尚無恙錢塘  
徐君觀海以郡丞攝令是邦封樹展謁復結亭於其南  
名之曰瘦詩而乞文記其事按新書賈初爲浮屠名無  
本韓愈教其爲文遂去浮屠舉進士不第韓集有送無  
本師歸范陽詩作於元和六年辛卯之冬以會昌癸亥  
賈卒之年計之賈時三十有五而嘉話錄言賈於馬上  
練句不覺衝韓尹第三節韓尹京兆在長慶癸卯與賈

相識且十餘年安得有衝節被擁之事若撫言言賈駢  
驢吟落葉滿長安之句唐突京尹劉栖楚被繫一夕始  
釋第劉尹京兆在敬宗之時島年且五十其事恐與劉  
無與也至遺史言無本居法乾寺遇宣宗微行於賈案  
取詩卷覽之賈攘臂奪去旣而知之亟謝罪乃除長江  
簿撫言又言賈遇武宗於定水精舍尤肆侮慢武宗訝  
之授長江簿夫宣宗嗣位在賈歿後三年而武宗卽位  
之初賈已簿長江惟文宗常患進士浮薄落第授簿容  
或有之此新書以謂坐貶蘇絳以謂罷謗也夫賈之詩  
特詩之一體賈詩之瘦特賈詩之一體昌黎一稱其勇

再稱其狂由怪變而造平淡雖其行誼政事無可傳而遺墟縈於地志佚事錯見於他說樵悴專一不得志於時之士可聞而自振焉矧學道愛人以經術節吏治其儒雅風流爲後賢所企慕者當何如也吾是以樂徐君之所爲而勉其所可至者有以信今而傳後焉爾

施南府學明倫堂記

古釋奠先聖先師必於學學不必有廟漢立孔子廟於太學廟猶統於學也後世有孔子廟乃有學如府衛州縣陰陽學鑒學皆稱學而實不立學惟儒學有官有學生其明倫堂卽儒學官莅事之所督學使者按部至謁

廟訖次詣府學坐堂上集諸生講四書然後扃院舉試  
事故府學視州縣學分均而興特鉅施南故施州衛乾隆  
元年改衛爲恩施縣割夔州建始縣改忠崗高羅木  
柵東鄉忠建施南六土司爲宣恩縣散毛東流臘壁大  
旺卯崗漫水六土司爲來鳳縣唐厓龍潭金崗三土司  
爲咸豐縣忠路忠孝沙溪三土司爲利川縣置施南府  
其衛學改恩施縣學而府未有學三十六年置學省宜  
昌府訓導爲施南府訓導故他府曰儒學印施南則曰  
儒學記其制特方與州縣學記之橢其形者不同予以  
四十六年九月視學至設棚伊始睽睽喁喁若以府學

額止錄文童八武童四爲嫌者爰舉明倫之義告之以  
倫之爲言類也理也父子君臣夫婦長幼朋友五者倫  
之目也後儒以中庸五達道爲五倫毛氏奇齡力排其  
誤是鴻詞人習氣無與於聖賢理道之大也舍五者安  
有所爲人舍親義別序信五者安有所爲學以五者爲  
之紀而詩書禮樂之迹與夫仁義道德之旨馴而習之  
使自得之此朱子於王十朋守夔時書其學堂之額曰  
明倫爲賅乎學者之全能而曾王諸學記累千數百言  
曾未足以與乎此也予往時按夔求朱子舊堂額而不  
得乃江南諸學堂多摹朱子手蹟懸之施南雖邊庠誠

知所以明之而毋炫於速成毋憚於力學其文行有異者不難升諸太學彝倫之堂而府學之額亦將有以廣之者亦勉之而已爰記之而屬訓導李宗汾榜諸壁

宜昌試院爾雅堂記

宜昌之東湖縣故彝陵州屬荊州府雍正十三年卽州境改縣並歸州及州之興山巴東長陽三縣又改容美五峯二土司爲鶴峯長樂二州縣舉屬宜昌府乾隆二年知府李元英知縣何廣廷於城東南建學院行署堂寢棚舍視他府特宏整饬之集試於荆之士不重跡而至府稱便利焉然而距省遠視學者三年一至至則並

歲科試施南來附試者猶宜之向附試於荆自今年施  
南亦令行按督學者程益遠而宜之政益簡念鶴峯長  
樂設學且十年自今年亦得設廩膳增廣名額士氣益  
昌喁焉廣厲爰進諸生堂下而告之以峽口故用武地  
其文物之著自歐陽公所稱何參始然城北之爾雅臺  
傳自郭璞雖在寓公跡斯尚也璞父瑗守建平卽今歸  
巴東興山建始地東湖志固已言之而庾仲雍荊州記  
言璞嘗作臨沮縣晉臨沮今南漳詎此不二百里江賦  
敘峽口形勢特詳卽遊仙詩青谿千餘仞者亦在鄰境  
茲臺之名梁任昉述之宋樂史陸游竝著之非若嘉州



之爾雅臺在今樂山縣者僅見宋王象之輿地碑目及  
蘇轍詩不足據也爾雅固非必周公所作而爾有麗訓  
雅有正訓爲小學之入門予嘗疑內則數與方名之名  
當指文字蓋古云一名卽今云一字孔子教弟子學文  
猶今所云識字與博我以文之文不同自漢隄爲舍人  
之爾雅註不傳而璞註最古彼何洵直字文及南豐集有勅何洵直太  
常博士制其同時之胡洵直字德孺廬陵人請改陝州印文從陝以別陝西  
之陝州當時識其不識字焉則小學之不通誤之爾府  
之籍博士弟子者可千人童試者不下千六七百人誠  
返之於學而無一名一義之不得其所歸則大小雅之

林不難於此見之遂引境有至喜亭而朱慶基復爲歐陽公作至喜堂之例名其堂曰爾雅以別於臺而附於臺其前之爲是堂者具見於篇凡以補志所缺遺云爾

江漢書院院長題壁記

室有牆垣曰院今官制部寺司監之外有翰林都察理藩諸院宋釋氏之居亦曰院院繫以書自唐集賢殿書院麗正殿書院始書院卽書庫書院學士直學士卽修書校書之官宋元以來凡名儒講學之所後人輒立書院聚生徒其中師以致仕官與夫山林高隱有道德之士謂之山長自身心意知之體禮樂政刑之用朝夕授

受服習之視提舉學校之官徵發期會尊而不親者其  
集益蓋倍蓰焉而書院之師弟子亦或出廩脯所餘繕  
刊遺籍流播海宇世謂之書院板本藝如此本行可知  
嚮學如此秉教可知江夏爲湖北省會其書院之見於  
志者四芹香濂溪東山今皆廢惟江漢尚存此外有所  
謂勺庭者則以居童子科其通省高才生由監司以上  
賞拔者始得升肄此院院之長督撫主而聘之其地故  
近文昌門明督學錢塘葛寅亮講學所設順治間移忠  
孝門內省欽徘徊堂舍求院長題名不得得康熙間黃  
安張氏希良金壇王氏汝驥楹榜知嘗長此慨然念其

人與文而地志例不書人事又日改變弟子之終老於是者不復感其教其達者或感爲某先生之教而感之又何必舉之使學者能舉其名而教益尊矣使教者自顧其名而學乃益親矣近者祇奉

詔旨凡省會書

院師六年以上著有成效者准予引對優敘誠以書院之師與學校相表裏故若此其重也康熙間自張氏王氏外俱莫考雍正間可考者祇一人用是畧遠取近自乾隆元年後長是院者之姓名具書於左方其監院官司諸生出入儀節及餼脯之支領頗類古提舉之職附榜於楫冀江漢之人文日起云爾

鄖縣青蓮池記

荷之莖曰茄其葉蓮其華菡萏其實蓮蓮者房也房相連也北人以蓮爲荷故荷可該蓮然亦直謂之蓮管子五沃之土生蓮是已蓮有素有丹有黃有碧有青法華經至謂隨喜讚善口中常生青蓮香其可貴如此青蓮之卽太白也洪景廬曰太白贈玉泉仙人掌茶詩序獨自稱青蓮居士而文人未嘗引用然太白答湖州迦葉司馬亦有青蓮居士謫仙人之句其里居所在或以爲隴西或以爲山東曾子固以爲生蜀郡之清廉鄉一說青蓮鄉故號青蓮居士青蓮之爲自有而因爲李有也

園也。鄧之城枕山帶水，民病澇，汲井六七口，距土皆數十丈，燎火無所救。當夏潦，水自後山下奔騰，激射壞坊街廬，甃無數。同年李敬堂集治，鄧之五年，卽縣東北隙地，益以民地四畝，償其租而遷爲深池。潦水受導，民害用蠲。中有泉，歲旱不竭。栽藕數百段，涉夏及秋，田田亭亭，衆口讚善，名其池曰青蓮。而未有記。夫蓮之青，吾不敢知，而名是池，隱以姓是池。千百年後，安知不譌以爲蓮自太白者，惟其跡垂無窮，卽其心亦垂無窮。以吾記其所由來，又安知隨喜讚善者之不以青蓮爲清廉也。池作於乾隆甲午，記以辛丑夏五，作。

漱藝堂記

六藝有二。以才藝言。禮樂射御書數是也。道之末也。以文藝言。易書詩禮樂春秋是也。道之本也。道顯而爲文。文之精者在易書詩禮樂春秋。故曰天之未喪斯文。又曰博學於文。又曰游於藝。孔子弟子通六藝者七十二人。藝之爲言。如六穀之種之。可以養人而通之。卽以致治。劉歆總羣書爲七畧。一輯畧。二六藝畧。凡易十三家。書九家。詩六家。禮十三家。樂六家。春秋二十三家。類以論語十二家。孝經十一家。小學十家。而總曰六藝。班固據之以志藝文。其言有曰。古之學者。耕且養三年而通。

一藝三十而五經立後世經傳乖離博學者又不思多聞闕疑之義故幼童而守一藝白首而後能言安其所習毀所不見終以自蔽然則東京之世經與藝且猶互稱其後經之名尊而視藝愈下不知戴記經解篇與學記之言離經皆漢儒所綴聞漢以前祇謂之藝彼禮樂射御書數之藝掌之保氏與孔子所言道德仁三者成上成下殆逕庭矣戴子友衡偕予二年每談藝時渙然若冰之泮於旭而豁然竹之迎於刃灝歸休寧請予記其堂曰漱藝夫子之所談聲悅之求工而金石之厲響於先聖人之藝茫乎未有當也然唐宋大家文必求之



六經之旨卽辭賦小道於技未真而魏晉文士猶知通經爲重故孫興公以兩京三都賦爲五經鼓吹陸機之文爲中說所取當機作文賦時年止二十亦以漱六藝之芳潤爲言自六臣以保氏六藝註之而乖離喪志去道愈遠吾不謂禮樂射御書數之無與於道而謂禮樂射御書數之竝無與於文誠求先聖人之藝循而習之優而游之衆芳之與薰蒸餘潤之與淫液其於文當日工而因文卽且見道吾以是歎選理之貴熟精而藝之時義大也

得樹軒記

應城於春秋爲蒲騷齊置縣今隸德安府南北百里東西九十里其民淳其俗愿無駟僧掉磬之習明陳士元心叔著書數十種百數十卷書不存其目尚載史志其子階日涉編十二卷世尚有其書往予與程進士大中遊多其好讀書詩若文有根柢有家數以予所見楚士大夫未能或之先也同年王君少林嵩高吏楚有年爾治劇縣小蹶復起令此及三稔卽署後隙地支俸錢八百緡不足又益以私錢百餘緡凡工飭材芟茅葺漏瓦礫庠院宇向陽結三楹曰得樹軒軒左爲漏室其右翼以廊循廊折而北復西有屋三其最西曰竹深荷淨舫

舫故無竹而池可荷池廣二仞長倍半之其良隅有泉  
二竇剔自泱葳涓涓暗輪不汎不磨一碧不可唾舫南  
砌甃作龜脊編籬作麕眼離西竟有亭如笠受三四輩  
絃酌亭北卽池極南亭之南廢間櫺且坦黃花散金小  
桃六七株映其畛澹冶脩曠彷彿野人邨聚出亭循籬  
而東可數弓卽軒前也雜花四綴鴛栗苗沃然被畦少  
林言去年夏盛開若雲錦軒與牆峙牆西南扉焉母夫  
人版輿便出入蓋予歎養志之難世所徵版輿事乃潘  
岳五十時閑居所爲直以蹇於進取不得已而優游養  
拙託之孝乎惟孝君子所不取少林未四十而祿養未

五十而卽祿養之地爲園其養志豈岳可比乃不著園而著軒若自比於高明之居覽者抑以知政通人和之效矣辛丑三月二十日子假館就宿風發瓦竟夕樹大者不二園故無標者記之以塞其請云

